

Tebo-sešwa ya Dipholesi-Kgatiso



Ka ga Dipholesi

Ketapele

SABC e leba-sešwa Dipholesi-Kgatiso tsa kooporasi tsa gajaana. Bareetsi le badiri ke bobedi jwa bana-le-seabe ba bagolo ba SABC mme bukana e e rulaganyeditswe go nolofatsa tseo-karolo ya bona mo tiragatsong e. Bukana e e neelana ka selebo-kakaretso sa Dipholesi-Kgatiso tsa gajaana, ka sebopego sa Dipotso-le-Dikarabo, gammogo le go supa dingwe tsa dintlha tse di tlaa buisanelwang mo tiragatsong e ya tebo-sešwa. Maikaelelo a dintlha tse tsa puisanelo ga se go kganelo ngangisano mme go amogelwa diabe mo dikarolong tsothe tsa dipholesi.

Dipholesi-Kgatiso ka bottlalo di ka bonwa mo webosaeteng ya SABC, sabc.co.za, kgotsa kwa kantorong nngwe le nngwe ya SABC.

Matseno

Q: Ke goreng SABC e na le Dipholesi-Kgatiso?

Go ya ka karolwana 6(5) ya Molawana wa Kgaso (jaaka e fetotswe), SABC e tlhoka go tlhama dipholesi tse maikaelelo a tsona e leng go netefatsa tsamaelano le Molawana wa Boitsholo (Code of Conduct) wa ICASA, dipeelo tsa laesense ya Kooporasi, le Dithokwa tsa Molawana (Act). Go tlhogega gore Dipholesi tse di akaretse pholesi-kgatiso ya dikgang, le dipholesi ka ga mananeo, diteng tsa selegae, thuto, tirelo ya kakaretso le phithlelelo, pua, le sedumedi.

Q: Maitlhomo a Dipholesi-Kgatiso ke eng?

Maitlhomo a dipholesi ke go thusa badiri ba kgatiso go buisanela merero e e thata ya tsa kgatiso le ditshwetso gore go tle go kgonwe go dira mananeo a a itthaolang e bile a gapeletsa/tlama - mme fa gongwe go sa dumelanwe - mme go ntse go tshegeditswe seemo se se kwa godimodimo sa maitsholo le kgatiso.

Totatota dipholesi di dira letlhomeso le mo go lona badiri ba SABC ba tsayang ditshwetso ka ga diteng tse di leng mo dipholesi-tsamaisong tsa rona tsa rona.

Q: A dipholesi di dira fela mo ditirelong tsa radio le thelebišene?

Nyaa, dipholesi di amana le diteng tsotthe tsa SABC, le ditirelo tsa badiris ba boetshaba le ba boditshabatshaba. Di dira mo ditirelong tsotthe, go sa tshwenye gore a ke mo radiong kgotsa mo thelebišeneng, khomphiutheng, ka ditirelo tsa melaetsa-khutshwe (SMS) kgotsa mogala wa môbale, o o ntshiwang ke lefapha la SABC kgotsa khamphani e e ikemetseng.

Q: Dipholesi-Kgatiso di dira ka ga eng, goreng?

Molawana-Kgaso (Broadcast Act) wa 1999 (jaaka o fetotswe) o batla gore SABC e tlhame tse di latelang:

- i. Pholesi-kgatiso ya dikgang
- ii. Pholesi ya mananeo (programming policy)
- iii. Pholesi ya Diteng tsa selegae

iv. Pholesi ya tsa Thuto
v. Tirelo ya kakaretso le phitlhelelo
vi. Pholesi ya puo le
vii. Pholesi ya tsa sedumedi
SABC e ikgethetse go akaretsa tsotlhe tse di fa godimo tse mo Dipholesi-Kgatisong tsa gajaana. Mo godimo ga moo, go na gape le karolo e e tlhalosang Taelo (Mandate) ya Kooporasi, e e tsenyeletsang Metheo ya Bothokwa ya tsa Kgatiso (Core Editorial Values) ya SABC, Melawana ya Kgatiso (Editorial Code) le Phetisetso-godimo ya Kgatiso.

Go tlatsa foo, Dipholesi-Kgatiso di laetse dikgaolo go tlama dipholesi tse di dirang ka merero e e riling, jaaka e tlaabo e tlagelela, mo lebakeng le, Merero ya tsa gajaana le Dikgang e tlhamile dipholesi tse di lateng tsa tlaleletso tse di amogetsweng le go letlwa ke Boto ya SABC:

- Dikaelo tsa tiriso ya babegedi le basekaseki
- Pholesi ka ga kgatiso ya diphithlo tsa tloto (state) Pholesi ka ga kgatiso e e lekalekanang mo nakong ya ditlhopho tsa bosetshaba.

Q: Goreng SABC e leba-sešwa Dipholesi -Kgatiso?

Dipholesi-Kgatiso tsa re dipholesi di tshwanetse go tlhabololwa gangwe le gape. Gape, fa di sala di nna teng go tloga ka ngwaga wa 2004, tikologo ya kgaso e setse e nnile le diphetogo tse dikgolo tse di nang le seabe mo mokgweng o ditshwetsa ka ga diteng di tsewang ka ona - seno se na le ditlamorago mo dipholesi-kgatisong ka jalo go leba-sešwa go tshwanetse ga netefatsa gore Dipholesi-Kgatiso di bontsha ditokafatso tse, di ntse di santse di neelana ka maemo a a kgontshang badiri go diragatsa Taelo ya Kgaso ya bothle.

Q: Tebo-sešwa e, e tsamaisiwa jang?

Dipholesi tsa pele e ne e le dipholô tsa therisano ya dikgwedikgwedi; tebo-sešwa e le yona e tlaa tsamaya fela jalo- ka tirisano e e tseneletseng ya badiri ba SABC le baagi. Go tlaa tshwarwa ditheetso-phatlalatsa mo go e nngwe le e nngwe ya diporofense mme bareetsi ba rona le bona ba tlaa bona tšhono ya go tsaya-karolo ka mananeo mo radiong, thelebišeneng le go dirisa tsela ya tirisano, jaaka 'facebook' le webosaete ya SABC.

Maitemogelo a SABC ka dipholesi-kgatiso tsa gajaana le ona a tlaa kaela

tebo-sešwa e, fela jalo le kitso go tswa dikgasong tse dingwe, tse bontsi ba tsona bo nang le Dipholesi-Kgatiso kgotsa Dikaelo.

Tebo-sešwa: Tsenyo-tirisong ya merero

Mengwe ya kakaretso:

Mo tsamaong ya ditherisano tsa ntlha tsa tebo-sešwa e, go nnile le dithhobaelo mabapi le Tsenyo-tirisong e e tsweletseng ya Dipholesi-Kgatiso mo gare ga SABC. Mo lemoragong le, a go bothokwa go tsenyeletsa dipolelwana tse di totabetseng mo gare ga dipholesi-kgatiso go netefatsa gore di salwa-morago le go tsenngwa-tirisong sentle go ralala maiteko otlhe a?

Tlameko ka matlole go kgwebo /Kganetso go Tirelokgaso ya phatlalatsa:

Jaaka tirelokgaso ya bothle e batlile e tshwana e le yosi, SABC e bona bontsi ba lotseno lwa yona go tswa mo karolong ya kgwebo - e leng tota ditiro tsa tlwaelo tsa papatso. Seno se kaya gore SABC e na le dikgwethlo di le dintsitse di lebaganang le bokgoni ba yona ba go ka diragatsa taolo ya tirelokgaso ya phatlalatsa, mme bontsi ba dikgwethlo tse di ama ka tlhamalalo tiragatsa ya kgatiso ya go tsaya dithhwetsa. Dipholesi-Kgatiso ga di bue sepe mabapi le tsamaiso ya dikganetso tse di ka runyang ka ntlha ya go direla taolo ya bothle le kgwebo.

- a go na le ditsela tse ka tsona dipholesi di ka dirang se?

Ditlhabololo tsa thekenoloji:

Ditlhabololo tsa thekenoloji tse di bothokwa tse di lebaneng bereetsi, go ya ka dipholesi-kgatiso, ke:

- Go tsoga (le kgolo e e tswelelang) ya tlhaeletsano ya baagi.
- Phetogo e e ka nnang teng go tswa mafarathatheng a kgaso a analoko go ya go a djitale. Diboloko (Blogs), dimaekero boloko (microblogs), baagi ba ba kgotsofetseng le mafarathathha a loago (social networks) ke tsona tlhaeletsano ya baagi e e tlhoaetsang bogolosegolo. ya Dipholesi-Kgatiso mme teng moo, go na le mafelo a le mane a a thokang go elwa-thoko thata malebana le Kgatiso.

Tebo-sešwa:

- Tiriso ya mafelo a mafarathathha a loago jaaka metswedi ya tshedimosetso. bogolosegolo mo mofameng wa dikgang. Eno ke ntla e e ka sekasekwang ka bophara mo Dikganye & Merero ya gajaana Kgaolo ya Dipholesi-Kgaso
- Tiriso ya mafarathathha a tlhaletsano a loago ke badiri ba SABC ka bobôna. Go tshwanela gore go bonwe pharologano magareng a ditokololo tseo tsa badiri tse setšhaba se ka sekeng sa ba amologanya le SABC le ba go sa nnang jalo.
- Tiriso ya pholesitsamaiso ya SABC go tsweletsa mafelo a tlhaletsano ya loago ya tsereganya (third party). le yona e tlhoka go lejwa-setšwa.
- Tsamaiso ya diteng tse di ntshiwang ke modirisi. tse di jaaka ditshwaelo ka ga madi ka ga ditsebe tsa webo.

Fa maatla a Thelebišene ya Dijitale ya Lefatshe (Digital Terrestrial Television) (DTT) a setse a ikutlwatsa, a tlaa ama ka bokete diteng tsa thelebišene mo isagong. Katoloso e e letlang koketso ya kgaso ya dikanale, go tlaa tshwanela gore go sekasekwae gore a go sutu go go yang ka selekano go, go tlaa ama Dipholesi-Kgatiso. Go thankgololwa go go solofetsweng ga DTT le gona go tsamaisa ditebo-sešwa tsa pholesi le tse di laolang, tse di tshwanetseng go akanyetswa fa go samaganwa le dipholesi.

Dipholesi tsa gajaana: Taolo (Mandate)

Q: Ditlhokwa tsa botlhokwa tsa kgatiso tsa SABC ke dife?

Tekatekano - SABC e neelana ka mananeo go mongwe le mongwe, dipuo tsotthe tsa semmuso, mme e godisa phithelelo ya boithe go ditirelo tsa yona.

Kago-Setshaba - SABC e keteka boitshupo jwa bosetshaba le ngwao, mme e neela baagi ba yona tshedimosetso e ba e tlhokang go tsaya-karolo mo go ageng temokerasi ya rona.

Dipharologano - SABC e bontsha dipuo tsa Afrikaborwa tse di farologaneng dingwao, diporofense, mo mananeong a yona.

Seriti sa Setho - SABC e tlota seriti se maAfrikaborwa otthe a tsetsweng ka sona, e ba

senola ka dipharologano tsa bona tsotthe, e bile ga e dirise puo kgotsa ditshwantsho tse di kayang dikakanyo tse di softlang merafe, dingwao le bong (sexes) jwa ga Aforikaborwa ka go ba baya mebala ya go sa itshokelane.

Boikarabelo - Botsamaisi le badri ba SABC, fa bo rebola maikarabelo a bona a kgatisa, bo ikarabelo go Boto ya SABC, e maikarabelo a yona e leng go netefatsa gore kooparasie tsumaisanane le Tumelana.

Go se fitthe sepe (Transparency) - SABC e netefatsa gore metheo ya boikanyego, go phuthologa le go se fitthe sepe go laola nthha e nngwe le e nngwe ya dikamano tsa yona le Motsholadišere, beng, batlamedi le setšhaba.

Q: Goreng re tlhoka maitsholo a a botlhokwa a kgatiso?

Maitsholo, a a ikaegileng ka a a tlhalositsweng mo Molaotheong — go akaretsa Tlhabololo ya setšhaba, tshwaragano, pharologano, go sa nneng le bosemorafe, go sa tlhaoleng ka bong, temokerasi le seriti sa setho — di emela dilo tse MaAforikaborwa ba di tsayang ka bongwe ba pelo e le tsa botlhokwa. Di tswala mokhino wa sepolotiki, maemo, dikarogano tsa bomorafe le bong, mme le fa re santse re le kwa tshimologong ya porojeke ya rona ya tlhabololo ya setšhaba, tseo ke sona se se re tsepamisang jaaka setšhaba. Di tshwanetse tsa aga motheo, wa dipholesi-kgatiso tsa mogasi wa setšhaba.

Tebo-sešwa: Maitsholo a tsa Kgatiso

- A maitsholo a a nna a ntse a le maleba le kgaso ya setšhaba mo maemong a tlhabololo?
- A go na le maitsholo mangwe a a tlogetsweng. a go tlhokega gore mangwe a maitsholo a gajaana a tlisiwe kgotsa diteng tsa ona di fetolwe?
- Go tlaleletsa mabaka a a neetsweng fa godimo. go tlhokega gape gore metheo e thagisiwe mme e diragadiwe.

Q: Melawana ya Kgatiso ke efe?

Melawana ya Kgatiso e ne ya tlhangwa ke Boto ya SABC ka 1993 mme ya tokafatswa go nna karolo ya Dipholesi-Kgatiso ka 2003. Melawana e e

runtse go tswa mo Maitsholong a Bothokwa, mme ya tokafatswa ka 2003, e ne e akanyetsa kgolo e e neng ya latela mo molaong. Melawana ya Kgatiso e na le dipolelwana di le lesometlhano mo diphetophetolong tsa yona tsa gajaana, di le robedi tsa tsona di itebagantse fela le Dikgang le Mabaka a gajaana, Di le thataro di lebagane le mefuta mme tse pedi di lebane le go dira mananeo. Merero e go samaganweng le yona mo melawaneng, go samaganwe gape le yona mo karolong e e maleba ya Dipholesi-Kgatiso.

Q: Phetisetso-Godimo (Upward Referral)e kaya eng?

Phetisetso-godimo e kaya tiragalo e ka yona badiri ba kgatiso ba ithaopang go batla maele go tswa mo batlhokomeding ba bona, ka ga ditshwetso dingwe le dingwe tsa kgatiso, tse ba senang bonnete ba tsona. Fa go ka runya bothata bongwe mo tlhagisong ya mananeo le/kgotsa taolo ya kgatiso, kgotsa mothagisa-lenaneo kgotsa mokaela-kgatiso (commissioning editor) a sa tlhomamise sengwe fela, o tshwanetse a kopa mothokomedi gore a mo kaele. Tiragalo e ya phetisetso-godimo ka bowena e atologela le kwa go Mothanked-i-Khuduthamaga wa Setlhophha (Group Chief Executive Officer), jaaka e le ene Mokaedimogolo-wa-kgatiso (editor-in-chief). SABC e bona phetisetso-godimo e le maatlafatsa mmogo, thuthuso le tsela ya kgodiso ya badiri bothe ba ba amegang. Maikaelelo a yona ga se go fetisetsa kwa godimo go tsaya ditshwetso ka ga kgatiso, mme e ikaeletswe go tiisa, fa go tlhogega, go tsaya ditshwetso mmogo le go abelana maikarabelo a kgatiso - bogolosegolo fa go lebanwe le ditshwetso tse di bokete - le go sedifatsa go ikanyana ga kooporasi le badiri ba yona ba kgatiso. Gape Phetisetso-godimo ga e a ikaelwelwa go iletsat tlhagiso le kgaso ya mananeo a a ka ngangelwang e bile a ka se ke a ganwa; mme e ikaeletswe go dira le go laela mananeo a a jalo e ntse e tshegeditse seemo se se godimo sa maitsholo le kgatiso.

Q: A go na le dintlha dingwe tse di tshwanetseng tsa fetisetswa-godimo?

Go na le dintlha dingwe tse e reng fa badiri ba kgatiso ba samagane natso, di bo di tshwanetse go fetisetswa-godimo. Mabaka a a ka akaretsa dipotsolotsa le disenyi kgotsa batho ba ba batlwang ke mapodisi, le go bontsha kgotsa go tlhagisa batho ka maikaelelo a go itumedisa, ka tiriso ya dikhamera tse di fitlhilweng. Go na le lenaane la palogothe ya dikao di le

lesomenne, mo tokomaneng ya Dipholesi-Kgatiso, tse di tlamegang gore di fetisetswe-godimo.

Tebo-sešwa: Melawana-Kgatiso & Phetisetso-Godimo

- A go tlhonego gore go laolwe gore a phetisetso-godimo e tlamege mme, fa go le jalo, a lenaane jaaka le dirilwe ke Dipholesi-Kgatiso le maleba kgotsa a dintlha di tlhoka go tsenyeletswa kgotsa go ntshwa mo lenaaneng leo?
- A go maleba gore Motlhankedi-khuduthamaga wa Setlhophia a nne Mokaedimogolo-wa-Kgatiso, fa go se jalo ke mang yo o rwalang maikarabelo a Diteng tsa Kgatiso le gona seo se dirwa jang?

Dipholesi tsa gajaana: Go dira mananeo

Q: Diteng tsa mananeo a SABC di laolwa ke dipholesi le ditlhokego dife?

- Tumelano/ Konteraka
- Maitsholo a Kgatiso a a Bothokwa a SABC
- Melawana-Tiriso ya Kgatiso ya ga SABC
- Tlamego ya SABC ya go obamela seemo sa intaseteri. Melawana ya Maitsholo ya Bagasi. e e tsamaisiwang ke BCCSA
- Tamego ya SABC go obamela dipeelo le melawana ya lekwalotetla la ICASA

Q: A go na le metheo mengwe e e kaelang go dirwa ga mananeo a SABC?

Tsela ya SABC ya go dira mananeo e kaelwa ke metheo e e latelang:

- Mananeo a tiisiwa ke maitsholo a a bothokwa a kgatiso a SABC. Tsona di rotloetsa bothagisi. taolo le go iponela mananeo otthe a yona
- SABC e iteka go rebola tshedimosetso e e anameng. thuto le boithabiso ka methale ya mefuta le dithulaganyo. tse mo go tsona mongwe le mongwe a ka iponelang sengwe se se kgathhang. ka nako nnigwe
- Jaaka mogasi yo o anameng wa boethaba. ke tiro ya SABC go

rotloetsa kgolo ya itlhagiso ya Aforikaborwa. Ka jalo e bontsha talente ya Aforikaborwa. e tshegetsa ngwao ya Aforikaborwa. mme e ikaelela go tlhama mananeo a itshupang e le a Aforikaborwa.

- Maikaelelo a SABC ke go bayo bokao jwa matshelo a maAforikaborwa gore ba ipone e le baagi ba lefatshe loithe. le go ba tlisetsa mananeo a siameng go gaisa a lefatshe le ka a rebolang.
- Ka hisetori ya rona. le gore Aforikaborwa ke karolo ya Aforika. SABC e bona e le maikarabelo a yona go tsaya matsapa go emela Aforika le dikgang tsa yona ka tolamo le go ya ka go farologana ga tsona.
- Go bua ka tokologo ke mooko wa mananeo a SABC.

Q: Goreng re tshwanetse ra tsibosa babogedi go lekane ka ga diteng mo mananeong?

Thulaganya e e etsweng-tlhoko le tsiboso e e maleba kgotsa kgakololo, e letla batho go itlhophela ka go tlhaloganya, se ba ratang go se bona le go se utlwa. Go dira jalo ga go fokotse maikarabelo a kgatiso mo go SABC ka gope fela, mme tota go tiisa ngwao le tlollo mo go bueng ka tokologo, le tshwanelo ya go amogela le go fetisa tshedimosetso.

Q: Ke matshwao afe a a farologaneng a re a dirisang jaaka ditsiboso?

Melawana ya Maitsholo ya Bagasi e batla gore rona re neele baretsi maele a a tlhaloganyegang gore ba kgone go itlhophela ka kitso Ka ga se ba batlang go se bona kgotsa go se utlwa; kgotsa go letla bana ba bona go se bona kgotsa go se utlwa. Tsona di akaretsa ditshupo tsa dingwaga (13, 16, 18), le matshwao a diteng – tiriso-dikgoka (V); maitsholo a a lolameng a tsa thobalano (S); lepona (N); puo e e seng ntle, go akaretsa ditlhapha (L); le go tlhoka itshokelano (P).

Q: Goreng mananeo a dithitokgang tsa bagolo a gasiwa mo gare ga bosigo?

Paka ya 'watershed' (21:00 – 05:00) ke nako e morago ga yona, ka iketlo go bontshiwang merero ya bagolo mo thelebišeneng. Pele ga paka e, ga go bontshiwe tse di sa siamelang bana. 'Watershed' e laolwa ke Melawana ya Maitsholo ya Bagasi mme ditlolomolao di sekasekwa ke BCCSA.

Q: A go na le paka ya 'watershed' ya radio?

Le Fa Melawana ya Maitsholo ya Bagasi e sa totobatse paka ya 'watershed' ya radio, SABC e obamela moono wa go re diteišene ga di gase dikgang tse di sa siamelang bana ka dinako dingwe, fa ba dira karolo e kgolo ya bareetsi. Jaaka sekao, diteišene di tshwanetse go itse gore go a kgonega gore ba bo ba reeditse radio fa ba le mo loetong go ya le go boa kwa sekolong.

Q: Ke dira eng fa lenaneo le na le ditlhapa?

Melawana ya re puo e e sa siamang, go akaretsa ditlhapa le dintlha tse dingwe tse di leng masisi mo bodumeding, ga e a tshwanelo go dirisiwa mo mananeong a rulaganyeditsweng bana fela. Go feta foo, le gore ga go a tshwanelo go dirisa puo e e maswe go fetelela, pele ga paka ya 'watershed' mo thelebišeneng, kgotsa mo dinakong tse bana ba ka solo felwang go nna mo bareetsing ka palo e e kwa godimo. Pholesi ya SABC ya go dira mananeo e a dumela gore le fa ditlhapa di fetogile go nna karolo ya puo ya letsatsi le letsatsi, mme ka go rialo e dirisiwa kgabetsa mo thelebišeneng, e kgopisa babogedi ba le bantsi. SABC ka go rialo e a iteka go tsaya matsapa go dirisa letshwao la tsiboso la "L" fa ditlhapa di amega, go fokotsa tshwenyego go baretsi ba ba ka kgopisegang. Dikaelo tse di latelang la BCCSA le tsona di dirisiwe:

- Fa e le mo terameng kgotsa pontsho ya nneta (documentary) fa fela go se na maemo a a gakatsang, go dirisa leina la morena lefela go ka dirisiwa mo pakeng ya morago ga 'watershed' go tlhagelela difilmi ka batshameki kgotsa batho ba takilwe mo dikgasong, tsiboso kgatlhanong le puo, e ka ekanyetso e e maleba.
- Mo nakong ya balelapa mafoko a tshwanetse go tlosiwa fa go kgonagala go dira jalo. Poapoeletso e e kwa godimo ga e letlwé.
- Fa bagasi ba dirisang puo e e ntseng jalo ka tsela e e kgopisang baretsi - tota le morago ga 'watershed' - go tshwana fela le go tlola Molawana.

Q: Pholesi ya reng ka ga seabe sa rona mo tirisong ya puo mo mananeong?

Mogasi wa setshaba ke motswedi o o botlhokwa wa tshedimosetso le ngwao, mme a ka rotloetsa maemo le maitsholo ka tiriso ya yona ya puo. SABC, ka jalo, e tshwanetse go tshegetsa boleng jwa boikanyego mabapi le tiriso ya puo. Dikaelo ke tse di latelang:

- Go se dirise puo fela e le e e tshosang
- Go se dirise dithapa go sa tlhogege
- Go se iletse tiriso ya puo e e maswe mo mananeong, mme go e letla, fela fa e ka sireletsegä go ya ka bokao le bonnate
- Gore tiriso ya puo e akanyetse bomasisi ba sedumedi.

Q: Pholesi ya SABC ke eng ka ga tlhaolele mabapi le bogole/ go sa itekanelang mo mmeleng?

SABC e amogela gore batho ba ba nang le bogole kagale ba ikutlwa e kete ba tlhokomologilwe, le gore ke tiro ya mogasi wa setshaba go tsholetsa phitlhelelo ya karolo e ya baretsi, go ditirelo le mananeo a yona le go netefatsa gore tlhagiso ya batho ba ba nang le bogole e siame/ lekanetse. Ka go rialo SABC e tshola batho ba ba nang le bogole ka tlollo, fa e dira mananeo, mme re itlama go bontsha merero ya bogole ka tsela e e sa bakeng setshwantsho sa maemo a a sa amogelegeng a ba ba sa itekanelang mo mmeleng. Cape ke maitlamo a rona go batlisisa ditsela tse di ka tokafatsang thebolelo ya rona go batho ba ba nang le bogole. Fa go kgonegang, re kgarathela go tsenya batho ba ba nang le bogole mo diporogrameng tse di jalo.

Q: SABC e dira eng mabapi le kgalemo kgathhanong le tirisodikgoka mo basading?

Dipholesi-Kgatiso tsa SABC di totobatsa gore diteng tsa diporograma tsa tsona, fa di lekanyetswa go ya ka bokao, ga di rotloetse tirisodikgoka mo basading, di bontsha basadi e le batswasetlhabelo ba ba sa itweleng ba tirisodikgoka, mme tshotlakako le yona e ba diga seriti le go tlodisa-mattho seabe le maemo a bona mo setshabeng, e rotloetsa kgethololo ka bong le Go tlhoka tekatekano, e tiisa kgatelelo ya/ka bong.

Q: Ke nako efe e go letlelegang go ka gasa ditiragalo tsa tirisodikgoka mo thelebiñneng?

Molawana wa Maitsholo o ala sentle ditlhokego tse di gagametseng thata tsa nako e tirisodikgoka e ka gasiwang ka yona le e e ka se keng ya gasiwa ka yona. Go tlaleletsa se, pholesi ya go dira mananeo e bolela gore ditiragalo tse di nang le ditshwantsho tsa tirisodikgoka di ka bontshiwa fela fa di tlhokega, go bontsha tshedimosetso kgotsa bokao ka semoalo.

Ka jalo SABC e na le tiro ya go se kgabise tirisodikgoka ya mofuta ofe kapa ofe, kgotsa go e godisa, le go e tlhagisa fela fa e ka thusa go tlhalosa kgannyana, go tsosa bopelothhomogi, rotloetsa maikutlo a go thusa, kgotsa fela go mna sekao se se maleba sa ditiragalo tsa nnete. Fa e dirisiwa, go botlhokwa gore go nne le tsiboso go bareetsi/babogedi. Maikaelelo a SABC ga se go bona gore tirisodikgoka e ka itshokelwa go le kana kang, mme ke go bona gore e tlhokega go le gonne jang go dira diphitlhelelo tse di ikanyegang, ntle le go koafatsa (compromise) terama kgotsa yona kgatiso.

Q: A Pholesi-Kgatiso e sireletsa ditshwanelo tsa seriti le sephiri?

Melawana e batla gore media wa se-eleketeroniki o nne kelotlhoko le go akanyetsa mo go feteletseng mo dintlheng tse di amang tsa matshelo a batho le ditshwenyego/ditlhobaelo tsa sephiri, go sa lebalwe gore ditshwanelo tsa sephiri di ka nna tsa gatakwa go lebilwe dikgatlhegelo tsa batho, ka semolao. SABC e solo fela gore ditshwetso tsa mothale o di tsewe go akanyetswa thata maitsholo a Kooporasi.

Q: Ke mang yo o swetsang gore bana ba bogele kgotsa ba utlweng?

Bagasi ga ba gase dilo tse di sa siamelang bana ka dinako tse bontsi jwa bona bo ka solo felwang go bo ba bogetse. Le fa go le jalo go mo magetleng a batsadi go swetsa gore bana ba bona ba ka bogela kgotsa nnyaa, fa fela rona re diragatsa tshwanelo ya rona ya go bontsha ditsiboso tse di maleba tse di ba letlang go tsaya tshwetso.

Q: Ke utlwile go twe go tlhotlha filimi ga go mo molaong. A seo ke nnete, gona SABC e samagana jang le sona?

Go tlhotlha (Censorship) jaaka go ne go ntse go le teng bogologolo, go go akanyetsang maikutlo a ba le mmalwa fela ga go tlhole go letlwa ke Molaotheo o mošwa wa Aforikaborwa o mo go ona maparego a go bua ka tokologo a ngotlegileng. Re ikgethela go neelana ka ditsiboso mo moweng go letla baretsi/babagedi go dira dikgetho tse di ntseng jalo. Seo se sala e ntse e le tshwanelo ya motho yo mongwe le yo mongwe go bogela le go laola se bana ba ka se bogelang.

Q: Re samagana jang le dingongorego tsa batho ka ga kgaso ya rona?

Dingongorego tsa ditokololo tsa setšhaba tse di amogelwang mo SABC mme di amana le dintlhla tsa pholesi, kgotsa go obamela molawana (Code), di amogelwa ke kantoro ya Motsamaisi: Kobamelo ya Kgaso. Fa dingongorego tse di jalo di amogelwa ke dikanale kgotsa ditešene, kgotsa mo lefapheng lengwe le lengwe fela, di tshwanetse go fetisetswa kwa kantorong eo ka bofeso. Pholesi ya SABC e samagana le dingongorego tse di jalo. Karabo/ tsibogo e rulaganngwa ka tirisano le, kgotsa o lebisiwa ka gangwe fela go, botsamaisi jwa kanale/seteišene se se maleba, kgotsa tlhogo ya Dikgang tsa SABC e e maleba. Go batlega gore ditirelo di rwale dingongorego tse di mabapi le tsona.

Q: A SABC e laola se se ka bapatswang mo ditirelong tsa yona?

Ee, go fitilha fa go reng yona SABC e obamela melao e e beilweng ke Bolaodi ba Maemo-Papatso ba Aforikaborwa (Advertising Standards Authority of South Africa). Lephata la Dipapatso le Thekiso (The Sales and Marketing Division) le lona le na le ditshwanelo tsa go amogela kgotsa go gana dipapatso tse di tsewang di se ka fa dikgatlhegelong tsa setšhaba kgotsa di ganetsana le Dipholesi-Kgatiso tsa SABC.

Q: Dikaelo ke eng ka ga go gopolela batho?

Re simolola go akaretsa ditshwantsho tse di sa gopoleleng ba ba nang le

bogole, basadi, bantsho ba baratani ba bong jo bo tshwanang, kgotsa maAforikaborwa mangwe le mangwe a a kileng ba kgethololwa ke media wa mosele-mogolo (mainstream media), kgotsa ba tlhagisiwa maemo a kgopolelo, mo go direng mananeo. Pholesi ya SABC ke e e latelang: 1. Go tlota karolo e nngwe le e nngwe ya setshaba 2. Go se supe batho ka lotso lwa bona, le go umaka mmala fela fa go le maleba le sethogo se se buiwang 3. Go tila go bua ka ga bogole go sa tlhokege, gonne kagale bo bonwa e kete ke thumolano kgotsa go kaya bokoa, le go se dirise puo

e e ka oketsang maikutlo/dikakanyo tse di jalo: sk. "susu" kgotsa go ka diriswa "bothata ba kutlo", le "motho yo o nang le bogole" boemong jwa "- yo o sa itekanelang" kgotsa "segole" kgotsa "- yo o makete" 4. Go se dirise puo ya kgethololo ka bong, gore o tile go kgopisa, kgotsa go baka maemo - ka go boaboeletsa - gore ditiragalo dingwe di amana fela le bong bo le bongwe.

Tebosešwa: Go dira mananeo

- A tse di fa godimo tse. di santse di le maleba, a go na le mabaka a mo go ona go ka dirisiwang tsela e e iletsang kgotsa e e sa itshokelweng thata (kgotsa go le gonne)?
- Mo mabakeng a le mmalwa - a jaaka pholesi e tsaya gore tirisodikgoka le thobalano & lepona di ntshitswe mo Dingongoregong tsa Kgaso. Khomlene ya melawana ya SA. A tse di tshwanelwa ke go akaretswa mo pholesing mme, mo mabakeng a go ntseng jalo, ke dife tse di tlaa tsewang fa go ka dirwa phetogo mo melawaneng e dipolelwana di tswang mo go yona?
- Karolo e e maleba jang le tsa khomphiutha kgotsa ditirelo tse dingwe tse e seng tsa kagale?
- Mo karolong e. gammogo le Dikgang & Merero ya gajaana, go na le maikaelelo a go fithelela boemedi jwa bong (gender representivity) - legale, ga go ape a maikaelelo a a a tlhosang kgopololo kgotsa a a kaelang gore e ka fithelelwana jang.

- Go le gontsi mo karolong ya go dira mananeo ke ka ga dikiletso - a go tshwanetse ga tsepamiwa thata mo go se se ka dirwang le ka mo se ka dirwang ka teng?

Dipholesi tsa gajaana: Dikgang

Q: A GCEO e na le taolo mo Dikgannye le go diera mananeo?

Seabe sa Motthanked-i-mogolo wa Kgatiso ke nngwe ya maikarabelo a mantsi a GCEO a a rwalang, mme ga a a tshwanela go tlhakatlhakanngwa le ditiro tsa Tlhogo ya Radio, Thelebišene, Dikgang, Metshameko le Thuto kgotsa tsa bagatisi ba bangwe le Batsamaisi ba Dikanale le diteišene, ba ba thapilweng ke SABC. Seabe sa ga GCEO ga se go dira mananeo a letsatsi le letsatsi kgotsa ditshwetsa tsa phaposi ya dikgang. Legale, boto ya SABC e aba maikarabelo, mme GCEO o arabela tiragatso ya dikgang tsothe le mananeo a mangwe, kgaso jaaka e tlhagisiwa mo radiong yotthe ya SABC, thelebišene, inthanete le ditirelo tse dingwe.

Tebo-sešwa: Dikgang

- A tse di fa godimo tse (& dipolelwana tse dingwe) mo dipholesing, di santse di le maleba, gona diphetogo di ka dirwa fa kae?
- SABC e tshwailwe diphoso tsa go begela ka go gobelela: a go na le dikarolo tse di rileng tsa dipholesi tse di ka dirisiwang go siamisa seno?
- Mo bokaong jwa go tshwaya-phoso tsela e SABC a begelang ka yona, ka ga yona, go tiisitswe ke ngangisano. Dipholesi-Kgatiso di bopiwa jang gore badiri ba kgone go maatlafadiwa go kgonia go begela ka ga yona ka bottlalo le ka tolamo?

Dipholesi tsa gajaana: Puo

Q: Maitlamo a SABC ke afe mabapi le go gasa ka dipuo tsothe tsa semmuso?

Maikano a magolo ke go:

- Neelana ka motseletsele wa mananeo a a itlhaoitse, a boitlhamedu le boleng-godimo mo dipuong tsothe tse di 11

tsa semmuso go ralala tlhopho yotlhé ya radio le thelebišene tsa rona, le go kgarathela go tlhagisa ditlhokego tsa baagi ba puo e nngwe le e nngwe mo mananeong a rona • Tshegetsa ditirelo tse di itlaotseng le ditirelo tsa radio tse di aroganeng mo e nngwe le e nngwe ya dipuo di le 11 tsa semmuso • Tshola dipuo tsotlhé tsa semmuso ka tekatekano mo ditirelong tsa thelebišene • Tsényeletsa Puo-Matshwao ya Aforikaborwa mo kgasong e le tsela ya go dira gore mananeo a fithelelwé ke batho ba ba nang le bothata jwa kutlo • Kgarathela go akaretsa dipuo tse e seng tsa semmuso tse di buiwang mo Aforikaborwa, go kôbilwe ka totobalo dipuo tsa Khoi, Nama le San.

Q: Kemo ya rona ke eng mabapi le dipuo tse e seng tsa semmuso le puo-matshwao?

SABC e itlama go tlamela ka mananeo a radio a boleng-godimo ka dipuo tse e seng tsa semmuso tsa Aforikaborwa, go kôbilwe dipuo tsa Khoi, Nama le San .

SABC e tswelela go atolosa selekanyo sa mananeo se se kannweng, go simolola ka dikgang le merero ya gajaana e e kgethlweng, le ditiragalo tse di leng botlhokwa mo setšhabeng. Go tsewa matsapa a a kgethegileng go tlamela ka tšhomololo ya Puo-Matshwao fa mananeo a gatsiwa fa pele ga bareetsi/babogedi ba ba leng teng foo.

Q: "Tekatekanyo" ya dipuo e kaya eng?

Lereo tekatekanyo le kaya tolamo, go lekanelá — go sa ree tsholó e e lekanang. Mo lebakeng le, SABC e ikaelala go gasa puo e nngwe le e nngwe ya semmuso mo thelebišeneng, e ntse e netefatsa gore babogedi ka bontsi ba fithelela mananeo. Re ikaelala go pataganya tirelo ya thelebišene ya semmuso ka go tlisa ditirelo tsa dikgaolo jaaka Molawana wa Kgaso o batla, (jaaka o fetotswe) go sa letilwe go newa laesense ya ditirelo tse ke ICASA le gore Palamente e beeble madi a lebaka le, fa thoka. Go lekalekanya go fithelelwá ka motswako wa metswedi, go akaretsa ditlhagiso tsa puo-nngwe le mananeo a dipuo-ntsi. Re kgarathela go batla tiriso ya dithekenoloji di tshwana le go kwala ditlhogo go netefatsa gore mananeo a a fithelelega go babogedi ba le bantsi jaaka go ka kgonega. Ka dinako dingwe maithlomo a a fithelelwá botoka ka go gasa ka dipuo tse di tshwanang kgotsa tse di

tthaloganggwang ka bopphara. Fa seno se dirisiwa, SABC e dikolosa tiriso ya dipuo mo setlhopheng sengwe le sengwe se se amanang gore go fithelelwé tekatekanyo.

Q: Re dira jang kgaso ya dipuo-ntsi?

SABC e na le kitso ya karolo e e ka tsewang ke mananeo a dipuo-ntsi mo go godiseng kitso le go tthaloganya go farologana ga dipuo le dingwao, mo nageng. Mananeo a a ntseng jalo, fa a dirisiwa ka boithamedi, le ona a goroga kwa bareetsing ka go anama ga bona. Ka bomaleba, SABC e rotloetsa tlhagiso ya mananeo a dipuo-ntsi a a nang le bokao, e le tsela ya go fithelela maithlomo a yona a kgaso ka dipuo. Mananeo a dipuo-ntsi ke a a akaretsang dilekanyo tse dikgolo tsa dipuo tsa semmuso di feta bongwe.

Q: Ke dipuo dife tsa Aforikaborwa tse di amogelwang mo dipholesing e le tse di kgaphetsweng-thoko go feta tse dingwe?

XiTsonga, TshiVenda, SiSwati le isiNdebele ke dipuo tse di amogelwang e le tse di kgaphetsweng-thoko go feta tse dingwe mme e bile go na le mikarabelo a a tlaleletsang mo ditheong tse di jaaka SABC go samagana le Co- kgaphelwa-thoko go.

Q: Go lebelelwé dintlha dife fa go swediwa ka ga bolele ba nako e puo e nngwe le e nngwe e e newang mo thelebišeneng?

Ifa go lekanngwa kabu ya nako mo puong e nngwe le e nngwe, SABC e tshwanetse go leba:

- Palo ya babui ba puo-gae mo kgaolong e e lebaneng kanala • Tikologo e puo e anameng mo go yona • Selekanyo se babui ba puo ba kgonang go tthaloganya dipuo tse dingwe ka sona • Selekanyo se puo e kgaphetsweng-thoko ka sona • Selekanyo se e tthaloganggwang ke maforikaborwa a mangwe ka sona • Metswedi e e leng teng.

Tebo-sešwa: Puo

- A tse di fa godimo tse (& dipolelwana tse dingwe) mo dipholesing, di santse di le maleba, mme gona diphetogo di tlhoka go dirwa fa kae?

- Maitlamo a go fedisa dithaelo tsa maloba kwa ntle ga go elathoko gore kabu ya metswedi e tshwanetse ya okanyetswa. ga a fete foo; a dipholedi-kgatiso di tshwanetse go akaretsa maitlamo a. mme fa di dira jalo. a a tshwanetse go tsharololwa go bontsha tsela e dithaelo tsa maloba di ka fedisiwang ka yona?
- Ke kemo efe e SABC e tshwanetseng go e tsaya ka kgolo ya puo? A go siame go dirisa puo-metha/ puo e e sa thomamang (slang) mo mananeong. kgotsa SABC e tshwanetse go nna modibedi wa bophepa/tolamo ya puo?
- Fa SABC e ipaya go nna motho komedi wa puo. e dira jang go lekanyetsa bophepa/tolamo ya puo? Go na le dipuo tsa semmuso di le lesomenngwe (II) mo Aforikaborwa. tse. tsatthe di nang le dithefosoan tse di farologaneng. go dirisiwa tsela efe go bona gore tengwana efe ke yona e e phepa?

Dipholesi tsa gajaana: Diteng tsa Selegae

Q: Ke mo mafelong a le makae mo diteng tsa selegae di batlwang ke?

Dilekanyo ka kakaretso tsa diteng tsa selegae tsa kanale ya thelebišene. Tse di batla gore peresente ya nako ya kgaso magareng ga 05:00 le 23:00 e abelwe diteng tsa selegae. Dilekanyo tsa kakaretso di farologanya thelebisene ya batho le ya kgwebo • Dilekanyo tsa mefuta (Genre). Tsona di batla gore fa kanale ya thelebisene e rwala mofuta o o rileng wa lenaneo (jaaka terama), peresente ya mofuta oo wa lenaneo e tshwanetse ya abelwa diteng tsa selegae. mefuta (genres) e ranolwa mo molawaneng³ wa ICASA mme e apesa mafelo a mararo a a latelang: terama, kago e e sa rulaganngwang ya kitsa, thuto ya bana, setshwantsho sa tiragalo ya nnete le merero ya gajaana. Mo lebakeng le lengwe le le lengwe go bewa peresente e e ngotlegileng. Dilekanyo tse gape di farologanya magareng ga thelebišene ya batho le ya kgwebo • Dilekanyo tsa thagiso e e ikemetseng. Fano peelo ke go re peresente ya palogothe ya diteng tsa selegae e e gasiwang e tshwanetse ya abelwa dithagiso tsa thelebišene

tse di ikemetseng. Dilekanyo tse ga di dire pharologanyo epe magareng ga ditirelo tsa batho le tsa kgwebo. Dilekanyo tsothe di ntshitswe ka melawana e e ka nnang ya lejwa-sešwa ke ICASA dingwaga tse dingwe le tse dingwe tse tharo.

Tebo-sešwa: Diteng tsa Selegae

- A tse di fa godimo tse (& dipolelwana tse dingwe) mo dipholesing, di santse de le maleba, mme gona diphetogo di tlhoka go dirwa fa kae?
- Dipholesi di tlama SABC go tlama diteng tsa Aforika, re samagana jang le seo?
- A SABC e na le maikarebelo mangwe a diteng tsa selegae godimo ga ditirelo tse di nang le lekwalotletla - fa go le jalo, a seo se tshwanetse sa tlhagelela mo Dipholesi-Kgatisong?
- Pejana mo tokomaneng, lebaka la tsamaiso e e maleba ya tatelano ya boleng jwa diteng (content value chain), gore go rebolwe kgaso ya taolo ya batho, e tlhagisitswe jaaka ntlha e e batlang go rarabolowa - se e ka nna lefelo le le maleba go dira jalo.

Dipholesi tsaGajaana: Kgaso ya tsa Sedumedi

Q: Nako ya kgaso ya mananeo a sedumedi e abiwa jang?

Mo go abeleng dithlopha tsa sedumedi nako-kgaso, SABC e tlamiwa ke motheo wa tolamo/tekano mme e dirisa motheo o go akanyetsa nako e e abelwang setlhophapha se sengwe le se sengwe. Dikabelo tse di direlwaa dingwaga dingwe le dingwe tse tharo, morago ga therisano le Setlhophapha sa Kgaso sa Sedumedi (RPB), go lebilwe tse di latelang:

- Tshedimosetso ka ga peresente ya batho mo setlhopheng se sengwe le se sengwe sa sedumedi, go ya ka tshedimosetso e e leng teng ya sešweng ya disensase (census).
- Tlhokego ya gore tumelo e nngwe le e nngwe e kgolo e itumelele lenaneo le le kgotsafatsang le le nang le bokao jwa tumelo ya mofuta o o rileng
- Tlhokego ya gore ditumelo tsothe di tlhagelele mo mananeong a sedumedi
- Tlhokego ya gore go nne mananeo a a lekaneng a mofuta wa

ditumelo-ntsi • Tlhokego ya go siamisa ditlhaelo tsa maloba mo kgasong ya tsa sedumedi.

Q: Goreng pholesi ya mananeo a tsa sedumedi e naya Tumelo ya SeAforika tlhokomelo e e kgethegileng?

Kgaso ya tsa sedumedi e tshwanetse ya kgarathela go nna le bokao le bomaleba, le go bontsha bonnete ba rona ba Aforika. Tlhokomelo e e kgethegileng e newa Tumelo ya seAforika le dingwao tsa setso, e le teklo ya go tswelela ka tshiamiso ya go kgathologwa ga ngwao ya seAforika, ke media wa botlhe.

Tebo-sešwa: Kgaso ya tsa Sedumedi

- A tse di fa godimo tse (& dipolelwana tse dingwe) mo dipholesing, di santse di le maleba. mme gona diphetogo di tlhoka go dirwa fa kae?
- Dipholesi tsa sedumedi di bayo taolo ya kgatiso ya mananeo a tsa kakanyo ya semoya (meditational programmes) ka kwa ntlo ga SABC. Pholesi e letla gape gore go tlhangwe Setlhopha sa Kgaso ya tsa Sedumedi (Religious Broadcasting Panel), se se tlaa dirisanang le Boto, sa tlhalosa kabelo ya nako go dithlophoa tsa sedumedi tse di farologaneng le go golagana le badumedi. Bobedi jo bo lebega bo kgaphela-ntlo taolo ya kgatiso e e beiweng mo gare ga SABC. mme bo tshwanetse ba tlhokomelwa.
- Ntloha e e botlhokwatlhokwa e e runtseng mabapi le Kgaso ya tsa Sedumedi, e ne e le gore dipopholetso tse di dirwang ka ga mosola wa kgaso, go ya ka dikgathegelo tsa setlhopa sa badumedi ba ba gogelang-thoko (sectarian), e ne e le maleba.
- A go supa ditumelo tse dikgolo go santse go le maleba & dipharologano tse dikgolo tsa dinako dingwe, mo teng ga ditumelo, di ntse jang, sk. Shi'ite & Sunni, Orthodox & Pentecostal?
- Tuelelo ya kgaso go tlhagisitswe e na le mathata mo bokaong jwa kgaso ya sedumedi ya tirelo-setlhaha. mme Dipholesi-Kgatiso di a e letla- a se se maleba?

Dipholesi tsa Gajaana: Thuto

Q: Ke dikarolo (areas) dife tse thataro tse di anameng tse SABC e di rebolelang mananeo a thuto go ralala ditirelo tsa yona?

Go tswa mo Molawana-Kgasong, SABC e supile dikarolo tsa mananeo a thuto tse di latelang:

- Kgodiso ya Ngwana ya Pele (Early Childhood Development)
- Bana kwa Gae
- Thuto e e Rulagantsweng
- Kgodiso ya Bašwa
- Kgodiso ya Metswedi ya Bagolo le ya Setho
- Thuto ya Botlhe

Q: Dithlokego tsa thuto di newa botlhokwa bo bofe?

SABC e netefatsa gore mananeo a yona a thuto a tsa dithaelo mo ditiragalong tsa thebolo ya thuto, bogolosegolo, tse di ikaegileng ka lotso, bong le go sa itekanelang, SABC e golaganya kgaso ya yona ya tsa thuto le ditlapela le dithlokego tsa setšhaba, tse di tshegetsang phitlhelelo ya thuto e e totileng dipolo (outcomes-based education), go ithuta ga leruri, le kamanyo ya maitemogelo a thuto le a botshelo.

Q: A pholesi ya SABC ya mananeo a thuto e itlama ka thuto e e rulagantsweng kgotsa e e sa rulaganngwang kgotsa tsona ka bobedi?

SABC e itlama go rebola mananeo a thuto a a tlhabologileng a boleng jo bo magoletsa, go ralala ditirelo tsa radio le thelebišene ya rona, a a ikaeletsweng go fitlhelela dithlokego tse di farologaneng tsa go ithuta go go rulagantsweng le go go sa rulaganngwang ga bareetsi le babogedi ba rona, go akaretsa bana, bašwa le bagolo.

Tebo-sešwa: Go dira mananeo a tsa thuto

- A tse di fa godimo tse (& dipolelwana tse dingwe) mo dipholesing, di santse di le maleba, mme gona diphetogo di tlhoka go dirwa fa kae?
- Thuto ke yona fela karolo ya Dipholesi e e dirang ka go atologa le mananeo a bana. Le fa go le jalo, leano la Reithian la go itumedisa le go sedimosa le a dira le mo ba  weng - ka nnete go tlhokega gore go dirwe peelo mo dipholesing tsa mananeo a bana.

Nka bona kae khophi ya Dipholesi-Kgatiso ya gajaana?

Go bona khophi ya Dipholesi-Kgatiso ya gajaana, tsweetswee etela www.sabc.co.za/editorialpolicy

Nka bona jang tshedimosetso go ya pele ka ga tebo-sešwa ya Dipholesi-Kgatiso?

Go bona tshedimosetso go ya pele, romela email go editorial@sabc.co.za kgotsa letsetsa (011) 714 9111 Nka romela kae neelo ya me mo Dipholesi-Kgatisong?

Nka romela kae neelo ya me mo Dipholesi-Kgatisong?

O ka romela neelo ya gago ka dikanala tse di latelang:

Email: editorial@sabc.co.za

Post: Editorial Policies

Private Bag X1

Auckland Park

2006

